

বাচ্ছাগিলদর জনো বাইবেল  
উপস্থিত

যীশুর জন্ম



কায় নেথিসে: Edward Hughes

ব্যখ্যা কৰিচে: M. Maillot

উদাহৰন দিয়া বুঝাইসে: E. Frischbutter; Sarah S.

ভাষা পাৰ্লেট দিসে: রমেশ রাই


ছাপাইসে: Bible for Children  
[www.M1914.org](http://www.M1914.org)

©2017 Bible for Children, Inc.


অনুমোতি: এ গল্পটোৰ একখান কপি তোরঠে রাখিব পাৰিস  
বা ছাপাকোৱা পাৰিস্, কিন্তু বেচেবাৰ পাৰিস না।




বহুদিন আগেতে, ঈশ্বৰ উয়ার  
দুত গাবৰিয়েলোক মৰিয়ম  
নামক একটা যীহুদি গাবুৰ  
চেংড়ীৰঠে পেঠাইছে।



উয়াই উয়াক কইলেক,  
“তোর একটা চেংরা  
ছাউয়া হবে আর উয়ার  
নাম রাখিবু যীশু, ...



... উয়ায় সবাই সবচে  
উপোরেৰ বেটা কইবে  
আৰ ও চিৰ'দিন ৰাজ  
কৰিবে।”



মরিয়ম অবাক হয়। পুছিলেক্,  
“এইটা কেং করিয়া বাস্তব  
হইবে?” মোর তো এলাও  
বিয়া হয় নাই।



স্বৰ্গদূত তাক কইলেক যে  
ছাওয়াটা পবিত্ৰ আত্মা  
থাকি আসিবে আৰ  
তাৰ মানষি  
বাপ হইবেনা।



ইয়ার পাছত খবরিয়াটা মরিযমক  
কইলেক যে উয়ার মামির বেটি  
বইনি এলিজাবেত  
বুড়া বয়সত  
চেংরা ছাওয়া  
পাইবে। এইটা  
একটা মারাত্মক  
ব্যাপার।





সেজন্য তারাতাড়ি  
মরিয়ম এলিজ্যাবেতের  
সাথোত দেখা  
করিছে। উমরা  
দুইজনে ভগবানের  
গুনগান করিছে।



মরিয়ম সেলা  
যোসেপের সাথে বিয়ার  
পাকা-পাকি ভাবে  
আশূর্বাদ হইছে।  
যোসেপ খুবে  
দুঃখ পাইলেক  
যেলা উয়ায়  
জানিবার পাইলেক  
যে মরিয়ম  
গাভ-ভারী হইছে।



উয়ায় মনে  
করিল যে মরিয়ম  
হয়তো অন্য  
মানষির নগদ  
আছে।



ভগবানের খবরিয়ৱা স্বপ্নতে যোসেপ'ক দেখা  
দিয়া কইলেক যে ছাওয়াটা হইলেক  
ঈশ্বরের বেটা। এজন্য যোসেপ  
মরিয়মক বিয়া করির যেন  
হাতাস না খায়।



ঈশ্বরের উপরত নির্ভরশীল আর বাধ্য  
আছিলেক য়োসেপ।



দেশত যেইলা নিয়ম আছিলেক  
উয়ায় সেইলা মানিয়া  
যোসেপ আর মরিয়ম  
জন্মভিটা,



বেতলেহেমোত  
জাওয়া নাগিলেক।



মরিয়মের এলা  
বাচ্চা দেওয়ার  
সময় হইছে।





কিন্তু যোসেপ  
কুনোঠে একটা ঘর  
পায় নাই। তামান  
সরাইখানা আর  
হোটেল ভর্তি  
হইছে।





শেষ-মেষ যোসেপ একটা গোয়াল ঘর  
পাইলেক। ওইঠেকোনা  
বাচ্ছাটা  
জন্মিলেক।



বাচ্ছটার মাও, মরিয়ম, গোয়ালি'ঘরত  
গরুর টোপাত খেড় দিয়া  
বাচ্ছা ছাওয়া যীশুকে  
শুতিয়া  
থুইসে।



রাখুলিয়ারা নিন গেইছে ভেড়ার পালের  
পহরা দিবার নাগিমিলেক।



ওঠেকোনা ভগবানের খবরिया উমারঠে  
গেলেক আর এই বড্ড  
খবরটাও দিলেক।



“এই দায়ুত নগরত আজি  
খ্রীষ্ট যীশু জন্মিলেক।



তোমরালা আজি গোয়ালি ঘরের টোপাত  
বাছা যীশুক দেখিবার  
পাবেন”।



আচম্ভিত, ঈশ্বরের গুণ-গান করিতে  
করিতে স্বর্গদূত প্রকট হইলেক  
আর কহিলেক, ...



... “ঈশ্বরের মহিমা হউক,  
আর দুনিয়াত শান্তি আসুক,  
ঈশ্বরের আশা



পূরন  
হউক”।





ভেড়ার রাখুয়ালিরা ওঠিকোনা  
তাড়াতাড়ি খুশিতে চিকিৰিবার  
নাগিল।



বাহ্ৰা ছাওয়া যীশুক দেখিয়া  
উমরা প্র্চার করির নাগিল  
যেই করিয়া খবরিয়ালা কইচে।





৪০-দিন  
পাছত, যোসেপ  
আর মরিয়ম  
যীশুক নিয়া  
জেরুসালেমের  
মনদিরত  
গেইছে।





শিমোন নামের  
একটা মানষি  
আর একটা  
বেঠিছাওয়া  
যীশুর জন্য  
ভগবানঠে  
ধন্যবাদ  
দিছে।





উমরা দুইজনে  
মুক্তিদেওয়া  
ভগবানের  
কতা গিলার  
বাদে বুঝিবার  
পাইছে যে যীশু  
ঈশ্বরের বেটা।  
যোসেপ দুইটা  
পথী ছাড়ি  
দিছে।






ঐটা হলেক  
গরিবখান দান  
যেলা উমেরা  
ঈশ্বরের-ঠে  
নতুন  
বেটা-বেঠি  
ছাওয়া পাইয়া  
তার কাছে  
আনিল।




কিছু সময়  
পরে পূর্বের  
দেশ থাকি  
কিছু

পন্ডিত মানসি  
একটা বড় তারা  
দেখিয়া জেরুসালেমোত  
আসির নাগিল।



যীহুদীর  
রাজা  
কঠে?

হামরা  
উয়াক ভক্তি  
দিবার চাছি।





ঐ পন্ডিভ  
মানষিলার কত  
রাজা হেরোদ  
শুনিচে।



হেরোদ রাজা পন্ডিভ  
মানষিলাই কইলেক  
যে উমূরা যীশুক  
যেলা দেখিবে সেলা  
যেন ফিরিয়া উয়াক  
জানাই, আর উয়াই  
পন্ডিভ মানষিলাই  
কইলেক  
যে, ...



... “মুইয়ো উয়াক  
ভক্তি দিবার চাও”।  
কিন্তু উয়ার মিছা  
কতা কইছে। আসলে  
হেরোদ রাজা যীশুক  
মারিবার চাইছে।



যোসেপ আর মরিয়মের  
সাথোত যীশু যেটেকোনা  
ছিলেক ঐ বড্ড তারাটা  
পন্ডিত মানষিলাক  
ওঠেকোনা নিয়া  
যাবার বাদে  
সহয়তা  
করিলেক।





পন্ডিৰ মানষিলা হাটুয়া  
ফেলেয়া ভক্তি দিয়া  
যীশুক সোনা আৰ  
ভাল গন্ধেৰ  
জিনিস পাতি  
দিছে।





ঈশ্বর পণ্ডিত



মানষিলাক কইছে যে  
উমরা যেন চুপ্-চাপ  
কড়ী ফিরিয়া জাই।



হেরোদ খুব রাগ  
করিচে। রাজা বড্ড  
গোসা হয়। যিশুক  
মারিবার বাদে ...



... বেতলেহেমোত  
তামান বেটা  
ছাওয়ালাক  
মারিলেক।





কিন্তুক হেরোদ  
রাজা ঈশ্বরের  
বেটার কোনো  
ক্ষতি করির  
পায় নাই।





স্বপ্নোতে ঈশ্বর  
যোসেপ্'ক সাবধান  
করিলেক তাই উয়াই  
মরিয়ম ও বেটা  
যীশুক নিয়া  
এজিপ্ট জাগাত  
ভাল করি

নিয়া গেছে।



যেলা হেরোদ  
মরিলেক সেলা  
যোসেপ  
তার



পরিবারক নিয়া  
ইজিপ্ট থেকে ফিরিলেক।



উমরা গালীল  
শাগরের



গোরোত  
নাজারত নামক  
ছোট্ট শহরে থাকিবার নাগিল।



# যীশুর জন্ম

ভগবানোর গল্পগিলা হামরা বাইবেলোত  
দিখিবার পাই

মথি ১-২, লুক ১-২

“ভগবানোর কতা জ্যোতী আনে।”

গীতসংহিতা ১১৯:১৩০



সমাপ্ত



এই বাইবেলের গল্পখান হামারলাক কইচে যে  
হামার আশ্চর্যজনক ঈশ্বর হামাক সৃজন করিচে  
আর উয়ায় চাই যে হামারলা উয়াক জ্যেনো জানি।

ভগবান জানে যে হামরা সব সময় খারাপ কাজ করি  
আর উয়ায় ইয়াক পাপ কইচে। পাপের শাস্তি মরন,  
কিন্তুক উয়ায় হামারলাই এমন ভালবাসিলেক যে উয়ার  
একমাত্র বেটাক- (যীশুক) এই দুনিয়াত পেঠেয়া দিচে  
যেন উয়ায় হামার আর যাই তোর পাপের বাদে দ্রুশত  
মরিলেক। কিন্তুক যীশু আবার জিভিত হইলেক আর  
শ্বর্গত্, তার আসল বাড়িত চলি গেলেক। যদি তুই  
যীশুক বিশ্বাস করিস আর পাপের ক্ষমা চাইস তাহলে  
উয়ায় শেটা তোক দিবে। উয়ায় এলা আসিবে  
আর তোরঠে থাকিবে আর তুইও উয়ার নগদ  
চিরকাল থাকির পাবো।



যদি তুই বিশ্বাস করিস  
এইটা সত্য, তাহলে ঈশ্বরক তুই ক।

প্রিয় যীশু, মুই বিশ্বাস কর যে তুই ভগবান আর  
মানষি রূপ ধরিয়া মোর পাপের বাদে মরিল আর  
এলা তুই আরও ফিরিয়া আসিছিত। দয়া করিয়া মোর  
জীবনোত আসিয়া মোর পাপ ক্ষমা করো যাতে মুই  
নতুন জিবন পাই, আর এক দিন তোরঠে জাবার  
পারি চিরকালের জন্য। মক সাহাজ্য কর যাদে মুই  
তোর বাধ্য হয় আর তোর বেটা হিসাবে  
বাচিবার পাও। আমেন।

প্রতিদিন বাইবেল পর আর উয়াক সথে  
কতা কও! যোহন ৩:১৬

